



Ա. Խ. ԹՈՐԱՄԱՆՅԱՆ

(Ճարտարապետական գիտությունների դոկտոր, պրոֆեսոր)

ՄՈՒԴԱՎԻԱՅԻ ՀԱՅԵՐԻ ՇԻՆԱՐԱՐԱԿԱՆ ԳՈՐԾՈՒՆԵՌԻԹՅԱՆ ՊԱՏՄՈՒԹՅՈՒՆԻՑ (ՀՆՉԵՇՏԻ ԵԿԵՂԵՑԻՆ)

ԺԹ դ. երկրորդ տասնամյակի սկզբներին Հնչեշտում (այժմ Կոթովսկ քաղաք, Մոլդավական ՍՍՀ) հիմնադրվեց դիվանագետ և կալվածատեր հայազգի Մանուկ Միրզոյանի, հայտնի որպես Մանուկ-բեյ, դաստակերտը: Ենթադրվում է, որ այս ժամանակաշրջանին է պատկանում այժմ պահպանված չորսսյունանոց միահարկ շենքը, որի ճարտարապետության մեջ արտացոլված են Մոլդավիայի, Հարավային Ռուսաստանի և այլ տեղերում գոյություն ունեցող նույն ժամանակաշրջանի շենքերի ոճական առանձնահատկությունները: Նույն դարի 60-ական թվականներին դաստակերտը կառուցապատվում է Կանապան շենքերով, որոնք դարի վերջում կազմում էին մի ամբողջական և միասնական ճարտարապետական համալիր: Այս հնարավոր է դառնում Մանուկ Միրզոյանի որդու՝ Մուրադի շինարարական եռուն գործունեության շնորհիվ: Նա համալիրի շենքերի նախագծման և իրականացման գործը հանձնարարում է Հարավային Ռուսաստանի ճանաչված ճարտարապետ Ալեքսանդր Հովսեփի Բեռնարդացուն:

Համալիրի կազմի ուսումնասիրությունը թույլ է տալիս վեր հանել մի շարք առանձնահատկություններ: Ընեքերը տեղավորված են ըստ իրենց ֆունկցիոնալ նպատակների, մի հանգամանք, որը ոչ պակաս կարևոր է համալիրի ճարտարապետագեղարվեստական արժեքը կանխորոշելու համար: Այսպես հա-

մալիրի հիմնական միջուկը կազմում է վերոհիշյալ միահարկ չորսսյունանոց շենքը, որտեղ, ինչպես կարելի է ենթադրել, մինչև իր մահը (1817 թ.) ապրել է Մանուկ Միրզոյանը: Այս շենքին կուգահեռ է այժմ երկհարկանի պալատական կառույցը (1861 թ.), որը մեծապես վնասվեց երկրորդ համաշխարհային պատերազմի ժամանակ: Այս երկու կառույցները կբաղեցնում են համալիրի կենտրոնական մասը: Նրանց հյուսիսային կողմը, մոտավորապես 150 մետր հեռու, գտնվում էր հայկական Սբ. Աստվածածին եկեղեցին (1878 թ., չի պահպանվել): Նրա հյուսիս-արևելյան մասում գտնվում էին այժմ նույնպես գոյություն չունեցող մատուռը և մի շարք այլ օժանդակ կառույցներ: Այս շենքերից դեպի հյուսիս սկսվում էր հայկական գերեզմանոցը, որից գրեթե ոչինչ չի պահպանվել, բացառությամբ երկու-երեք գերեզմանաքարերի՝ մեկը պատկանող Նապարովին, մյուսը՝ անանուն: Համալիրի նշված հիմնական միջուկի հակառակ կողմը, այսինքն՝ դեպի հարավ, մոտ 100—110 մետր հեռու, գտնվում է երկհարկանի «Ռստորդական տունը» (1881 թ.)՝ կազմելով պալատական կառույցից՝ հետո մի ընդհանուր գիծ: Այս շենքից դեպի հարավ, նույնքան հեռու, գտնվում է մի փոքր երկօժիկ կառույց՝ «Պահակատան աշտարակը»: Այս բոլոր կանգուն կառույցները, բացառությամբ չորսսյունանոց շենքի, կառուցված են համալիրի հա-



Սկ. 1. Հնգեշտ (այժմ Կոթովսկի բաղաք, Մոլդ. ՍՍՀ)։ Սբ. Աստվածածին եկեղեցու հարավային պատի մնացորդները

րավային կողմում։ Բացի այդ, համալիրի կազմի մեջ են մտնում նաև այլ կառույցներ, որոնք պահպանում են նշված շենքերի արևմտյան կողմի տարածքը։ Այդպիսին են «Սպիտակ հողանոցը» (որը այս անունն է կրում սվաղված սպիտակ պատերի պատճառով) և նախկին ձիանոցի վերակառուց-

ված շենքը, որն այժմ ծառայում է որպես ճաշարան։

Եթե համալիրի պահպանված կառույցների ծավալա-հատակագծային և գեղարվեստական առանձնահատկությունների մասին կարելի է անել որոշակի եզրահանգումներ և գնահատել դրանց արժանիքները, ապա



Նկ. 2. Հնչեշա (այժմ՝ Կոթովակ քաղաք, Մոլդ. ՍՍՀ). Սբ. Աստվածածին եկեղեցու արևելյան խորանի պատի մնացորդները


անվերադարձ կորած կառույցների մասին կարելի է դատել միայն առանձին լուսանկարներով, որոնք պատկերում են շենքերի որոշ արտաքին մասերը:

Հաշվի առնելով ԺԺ դ. Մոլդավիայի ճարտարապետության համար համալիրի ունեցած նշանակությունը, վերակառուցել են նրա առանձին շենքերը, որոնք այսօր օգտագործվում են այլ նպատակների համար:

Այսպես, պալատական շենքում տեղավորված է քաղաքի շինարարական տեխնիկումը, իսկ «Որսորդական տան» մեջ այժմ գտնվում է պատմա-գավառագիտական թանգարանը: Այդ էր պատճառը, որ, շնորհիվ թանգարանի նախաձեռնության, սկսվեցին պեղումներ այն տարածքի վրա, որտեղ գտնվում էր հայկական եկեղեցին: Այդ պեղումներով էլ պալ-

մանավորվեց եկեղեցու առանձնահատկությունների ուսումնասիրությունը¹։

Այսպես, ճետնի ներկա մակերեսից մոտ 1,10 մետր խորության վրա, հիշված տարածքի հյուսիս-արևելյան մասում, բացվեց եկեղեցու արևելյան պատի հյուսիսային մի փոքր հատվածը։ Այս հատվածից մենք շարունակեցինք պեղումները արևելյան պատի երկարությամբ՝ հասնելով հարավային պատին (նկ. 1)։ Բացելով արևելյան և հարավային պատերի ամբողջ երկարությունը՝ այս անգամ պեղումները շարունակեցինք եկեղեցու հյուսիսային մասում, որտեղ երևացին շենքի պատերի հատվածներ։ Եկեղեցու պատերի մնացորդները և նրա այլ հետքերը թույլ են տալիս որոշելու եկեղեցու իրական դրության հետևյալ պատկերը, համարյա ամբողջու-



ՆԵՂԵՏ Ե ԵՐԵՎԱՆԻ ՄԱՍԻՆԻ ԵՐԵՎԱՆԻ ԵՐԵՎԱՆԻ ԵՐԵՎԱՆԻ

Նկ. 3. Նեղետ (այժմ Կոթովսկ քաղաք, Մոլդ. ՍՍՀ)։ Ար. Աստվածածին եկեղեցու հատակագիծը

թյամբ վերացել են եկեղեցու աղոթարարի հյուսիսային և մասամբ հարավային պատերը, պահպանվել է հարավային խաչաթևի արևելյան պատի ոչ մեծ հատվածը։ Սակայն եկեղեցու պահպանված մնացորդները, ինչպես և թանգարանում պահպանված եկեղեցու լուսանկարը, որը պատկերում է նրա արևմտյան կողմը, հնարավորություն են տալիս որոշելու եկեղեցու ծավալա-տարածական և հատակագծային հորինվածքը։ Այսպես, ուրեմն, շենքը արևելքից-արևմուտք

ձգված մի աղոթարարի է, որը արևելքում ավարտվում է ոչ լրիվ կիսակլոր ձև ունեցող խորանով (լայնությունը՝ 5,18 մետր և խորությունը՝ 1,57 մետր)։ Խորանի հյուսիսային և հարավային կողմերի վրա էին գտնվում ուղղանկյուն, հյուսիս-հարավ ձգված գլխավոր առանցքներով ավանդատները՝ 4,56 մետր երկարությամբ։ Ուշագրավ է, որ այս ավանդատները կարծես թե կից են աղոթարարին։ Հենց այսպիսի փոխհարաբերությունն է կանխորոշել եկեղեցու արևելյան մասի խաչաձև հորինվածքը։ Աղոթարարի, որը պահպանում է ամբողջ եկեղեցու մակերեսի նշանակալից մասը, ունի մոտ 9,0 մետր լայնություն՝ ըստ արտաքին պատերի։ Այս պատերից ավանդատները առաջ են գալիս 1,55 մետր չափով։ Համաձայն մեր չափագրությունների, հարավ-արևելյան ավանդատան արևմտյան պատից 3,7 մետր հեռու, աղոթարարի հարավային պատին կից էր հնգաճիստ մի ծավալ։ Նրա չորսաճիստ պատերը, որոնք կից էին արևմտյան պատին, եկեղեցու կանգուն եղած ժամանակ ծառայում էին որպես նրա հարավային խաչաթևի արևելյան և արևմտյան պատեր։ Ինչ վերաբերում է եռակող պատերին, որոնք կից են այդ խաչաթևին, ապա դրանք ոչ այլ ինչ են, եթե ոչ եռակող խորանի պատերը, որոնց բարձրությունը պզալի չափով ցածր է խաչաթևի պատերից։ Ըստ մեր պեղումների, նյութերի, խաչաթևի լայնությունը հավասար է 5,5 մետրի, իսկ երկարությունը՝ 2,9 մետրի։

Եկեղեցու շինարարության համար օգտագործվել են փայտ, քար և աղյուս։ Այսպես, փայտը ծառայել է շենքի կմախքը ստեղծելու համար, որի նպատակն է եղել կրել շենքի հիմնական ծակրությունը և, միաժամանակ, ներքին տարածությունը պաշտպանել մթնոլորտային գործոնների ազդեցությունից։ Փայտյա կլոր սյուների փտած մնացորդներ են (0,26—0,30 մետր տրամագծով) պահպանվել արևելյան խորանի և ավանդատների պատերի մեջ։ Կմախքի սյուների քայլը անհավասար է և տատանվում է 1,1 մետրից—1,35 մետրի սահմաններում։ Եկեղեցու պատերը կառուցված են 0,26×0,13×0,06 մետր չափերի աղյուսից։ Այս պատերի հաստությունը հավասար է 0,41 մետրի։ Ուշագրավ է, որ եկեղեցու խաչի հարավային թևի պատերը շինված են աղյուսից։ Դրանց հաստությունը 0,26—0,27 մետր է, այսինքն՝ հավասար է աղյուսի լայնության չափին։ Եռակող պատի պահպանված մասերը՝ նշված խաչի թևի կից պատին, թույլ են տալիս ասելու, որ այն եղել է քարից, կամ, որ շատ հավանական է, ծառայել է որպես հիմք այժմ գոյություն չունեցող աղյուսե պատի համար։

¹ Պեղումներն սկսվեցին 1982 թ. սեպտեմբերի վերջին և շարունակվեցին մինչև հոկտեմբերի վերջը։

Այս պատի հաստությունը տատանվում է 0,70—0,71 մետրի սահմաններում: Հյուսիս-արևելյան ավանդատան հյուսիսային պատի երկու ծայրերում, ինչպես և հարավ-արևելյանի հարավային պատի շարվածքում, փայտյա կմախքի սյուները ամբողջությամբ մըտնում են նշված պատերի շարվածքի հաստության մեջ: Հետաքրքիր է, որ այստեղ, աղյուսի պատերը, ինչպես եկեղեցու ներսի, այնպես էլ դրսի կողմից երեսապատում են սյուները ընդամենը մի քառորդ աղյուսի չափով, այսինքն՝ 0,06 մետրով: Նկատվում է նաև կմախքի փայտյա սյուների տեղադրման մի ուրիշ պատկեր, որը կանխորոշել է ջենքի այդ մասի նշանակությունը և որի համար

դատների բաժանմամբ: Եկեղեցու խաչի հարավային թևի արևելյան աղյուսաշեն բարակ պատի մեջ փայտյա սյուների տեղադրումը նպատակ է ունեցել ապահովելու պատի (բարձրությունը ավելի քան 3 մետր) կայունությունը: Ինչ վերաբերում է կմախքի սյուներին, դրանք միայն մի փոքր չափով են դուրս գալիս եկեղեցու առանձին մասերի պատերի ներքին մակերեսից: Կարելի է ասել, որ դրանք ծառայել են որպես կոնստրուկտիվ մաս այդ մասերի հատակի համար կամ ստեղծել են նրա տակ լրացուցիչ տարածություններ:

Առանձնապես անհրաժեշտ է կանգ առնել աղոթաարահի հարավ-արևմտյան ավանդա-



Նկ. 4. Բելգորդ-Դենստրովսկի. 1699 թ. արձանագրությունը

ընտրվել է համապատասխան կոնստրուկցիա: Դա արտահայտվել է նրանով, որ սյուները իրենց տրամագծի չափով, մի քիչ էլ ավելի, կից են եկեղեցու համապատասխան պատերին: Դա առանձնապես լավ է երևում եկեղեցու արևելյան խորանի երկու ծայրերում, այսինքն արևելյան՝ ուղիղ և արևելյան՝ կիսակլոր պատերի հատման երկու տեղերում: Այսպիսի լուծում պարզ արտահայտված է նաև եկեղեցու հարավային պատի արևելյան հատվածում: Սա վկայում է, որ հավանաբար համապատասխան ուղղությամբ շարված են եղել պատեր, որոնք և կապվել են հյուսիս-արևմտյան և հարավ-արևմտյան ավանդատների պատերը: Այսպիսի լուծումը շատ հնարավոր է, դա պայմանավորված է եղել պաշտամունքային պահանջներով և այս դեպքում արտահայտվել է խորանի և ավան-

տան և արևելյան պատի հարավային հատվածի աղյուսաշեն պատերի հիմքերի վրա: Այսպես, բարձրությամբ 1,2 մետր պահպանված հարավային պատի տակ, նրա ներսի կողմից, երևում է 0,12—0,13 մետր լայնությամբ և նույն չափերի բարձրությամբ մի ելուստ: Այս աստիճանավոր պատի հիմքը, նրա ամբողջ երկարությամբ, դրված է 0,08—0,10 մետր ավազի շերտի վրա: Այդպիսին է հիշված ավանդատան հարավային պատի հիմքը: Ի տարբերություն այս կոնստրուկտիվ հորինվածքների, եկեղեցու արևելյան պատի հարավային հատվածի հիմքը բնորոշվում է ավելի մեծ ելուստով, որը երևում է պատի ներսի և դրսի կողմերից: Այսպես, ներքին ելուստի լայնությունը հավասար է 0,33 մետրի, իսկ բարձրությունը՝ ավելի քան 0,06 մետրի: Սակայն դրսի ելուստը անհա-

մեմատ լայն է՝ 0,40—0,50 մետր, բարձրությունը՝ 0,06 մետր: Ուշագրավ է, որ այս հիմքի տակ փռված է ավազաշերտ, որի հաստությունը տատանվում է 0,08—0,10 մետրի սահմաններում: Իսկ դրսի ելուստը ուղղակի դրված է մայր հողի վրա: Հիշատակության արժանի է նաև այն, որ նշված ելուստների վերևի մակերեսից մինչև պատի ավազի շերտի ներքևի մասը, որը մոտ 0,80—0,90 մետր է, երևում է խնամքով կառավարված աղյուսի շարվածք: Դա ցույց է տալիս, որ պատի այս մասը, նրա ամբողջ երկարությամբ, գտնվում էր գետնի տակ, այսինքն՝ այն ոչ այլ ինչ էր, եթե ոչ եկեղեցու աղյուսաշեն հիմք, որի վրա շարված էին այժմ գոյություն չունեցող եկեղեցու պատերը: Ոչ պակաս ուշագրավ է նաև այս պատ-հիմքի շարվածքի որակի առանձնահատկությունը, որը արտահայտվում է նրանով, որ արտաքին մակերեսի շարվածքը քիչ թե շատ խնամքով է կատարված, իսկ ներքինը՝ անփույթ: Հավանական է, որ առաջին դեպքում այդ պայմանավորված էր նրանով, որ պատի դրսի մակարեսը պետք է ունենար սվաղի շերտ՝ այն, ինչ նախատեսված չէր ներսի համար: Հավանական է նաև այն, որ խնամքով իրականացված պատի դրսի մակերեսը նպատակ ուներ նպաստելու արագ ջրահեռացմանը (նկ. 2): Նույն բանն է ցույց տալիս եկեղեցու նշված մասերի կողմ պատերի տակ ավազաշերտի գոյությունը: Նշված պատերի նկատմամբ ցուցաբերված այսպիսի խնամքի դեպքում տարօրինակ է թվում այն, որ եկեղեցու խաչի հարավային թևի արևելյան և արևմտյան աղյուսապատերը, ինչպես նաև եռակողմ քարե պատը ուղղակի դրված են մայր հողի վրա՝ չունենալով իրենց տակը ոչ մի ապահովիչ ավազաշերտ: Հետաքրքիր է նաև այն, որ դրանց ներքին մակերեսը գտնվում է եկեղեցու նշված պատերի հիմքերի մակերեսից մոտ 0,50—0,60 մետր բարձրության վրա: Սա վկայում է, որ նշված պատերը և, հետևաբար, իրենց մասերը ավելի ուշ ժամանակի արդյունք են, այսինքն՝ դրանք, ինչպես աղոթասրահի արևելյան խորանը և ավանդատները, նախապես գոյություն են ունեցել: Պեղումների ժամանակ հայտնաբերված ծեփի մնացորդները, ինչպես նաև եկեղեցու ճակատների առանձին հատավծների բազմապարտ տեսքը, որը երևում է թանգարանում գտնվող եկեղեցու լուսանկարից, վկայում են, որ եկեղեցին հարուստ է եղել ճարտարապետա-գեղարվեստական դեկորով: Մեր կարծիքով, հայտնաբերված բեկորները հանդիսանում էին հարավային, արևմտյան, հյուսիսային կամ գմբեթավոր թմբուկի ան-

կունային դեկորատիվ որմնապատները, լուսամուտների կամ նույն նշանակությունն ունեցող (այսինքն՝ դեկորատիվ) ճակատների խորշերի շրջակայները և այլն: Այս բեկորների ծեփի մնացորդների վրա, որոնք, մեր կարծիքով, պատկանում էին միայն և միայն դրսի պատերին, նկատվում են կապույտ, դեղին և մոխրագույն ներկեր: Դա ցույց է տալիս, որ եկեղեցին ժամանակի ընթացքում հաջորդաբար ներկվել է նշված գույներով: Անհրաժեշտ է նշել նաև, որ այս գույների գաման լրիվ համապատասխանում է նույն ժամանակի և ավելի ուշ շրջանի այն գամանային, որը օգտագործվում էր մոլդավական պաշտամունքային կառույցները ներկելու համար: Պեղումների ժամանակ հայտնաբերվեցին նաև եկեղեցու հատակը երեսապատող քառակուսի (16,5×1,5×1,5 մետր) սրճագույն կերամիկական սալեր, որոնք ամրացվում էին հատակի հիմքի տաք բիտումի շերտի (1,5—2,0 սմ.) վրա: Բացի այս մասերի բեկորներից, պեղումների շնորհիվ բացվեցին նաև գեղարվեստորեն մշակված երկաթյա մասեր, որոնք, հավանաբար, պատկանում էին խորանի ցանկապատին կամ դռների, լուսամուտների ճաղերին:

Այսպիսին է Կոթվակ քաղաքի պեղված Սբ. Աստվածածին հայկական եկեղեցու այժմյան պատկերը, որը ներկայացնում է մի յուրահատուկ և ինքնուրույն հորինվածք²:

Հուշարձանի ճարտարապետա-հատակագծային և կոնստրուկտիվ հորինվածքների նկարագրության ժամանակ մեր կողմից վեր հանված առանձնահատկությունները և նըրանց համադրումը գոյություն ունեցող պուրագահների, որոնք մասամբ բնորոշում են Մոլդավիայի և Հայաստանի պաշտամունքային կառույցների ճարտարապետա-շինարարական ավանդները, թույլ են տալիս որոշել եկեղեցու կարգացման երկու փուլ: Առաջին փուլը, որը ընկած է XIX դարի առաջին կեսին, բնորոշվում է փայտաշեն եկեղեցու աղոթասրահի երկարավուն ձևով, նրա արևելյան խորանով և վերջինիս կից ավանդատների հորինվածքով: Շատ հավանական է, որ աղոթասրահի արևմտյան պատին կից էր երկհարկանի պանդակատունը: Այսպիսի հորինվածքը հատուկ է եղել նշված ժամանակի բազմաթիվ մոլդավական փայտաշեն և քարաշեն եկեղեցիներին: Եկեղեցու ճարտարապետության կարգացման երկրորդ փուլը ընդգրկում է 1870—1872 թթ.: Այս շրջանին

² А. Х. Тораманян, Зодчие четырех армянских церквей Бессарабии XIX—XX вв., «Լրագրեր հասարակական գիտությունների», Երևան, 1969, 12 (319), էջ 78, նկ. 2:

են վերաբերում նշված աղոթասրահին կից հարավային, արևմտյան և հյուսիսային մասերը: Ուշագրավ է, որ այս ժամանակ է, որ փայտաշեն կառույցը, պահպանելով իր նախկին հորինվածքը, վերափոխվում է՝ դառնալով աղյուսաշեն (նկ. 3): Այս հատակագծային լուծումը պայմանավորեց հատուկ հայ-

կական ճարտարապետության համար ծավալա-տարածական լուծում:

Այսպիսով, մեր կողմից պեղված և ուսումնասիրված Հնչեշտի Սբ. Աստվածածին եկեղեցին հանդիսանում է ևս մի օղակ XIX դարի մոլդավական ճարտարապետության և հայ-մոլդավական դարավոր բարեկամական կապերի ուսումնասիրության գործում:

